

童

山

詩

集

童山詩集卷二十七

綿州李調元雨村

已酉

正月十四日至成都是夜觀燈

試燈節屆漸聞聲次第鰲山壓錦城
十字樓頭星共燦萬家門口月初明
管絃奏處鶯吭滑簾箔鉤時翠黛橫
老病連年游興淺銜杯誰與話衷情

元宵

燈遇元宵儘力張暗塵滾滾逐人忙
燭天火樹三千界照地銀花十二行
寶馬長嘶成隊醉油車細碾遍街香

誰知月到團圓夜早已微銷一線光

十六日夜再觀燈

明月留君君漫猜殘燈尚可酌金壘龍經燒尾猶蟠舞
馬爲抽心却倒回玉漏頻催門漸掩金吾收禁戶長關
倚欄聽得游人說明歲還邀舊伴來

同慶閣

卽古迴
湖塔

同慶閣雖改迴瀾塔尚傳窻含西嶺雪門泊下江船竹
嘯疑簫吹桃開似火然却憐清淨地登眺百憂煎

成都贈錦江掌教同年姜儀部

錫叔時撫子自課

相驚兩鬢雪交加同在林泉各一涯半世辛勤爲祿積

何年反哺學慈鴉未同李白三杯酒先吃盧仝七椀茶
何必江頭看春色錦城桃李屬君家

寒食出城

出自城北門踏青人滿路處處紙錢飛烏鴉啼上樹雲
龍山下我先塋遙憶兒孫奠酒羹只有龍鍾老不肖浪
遊耽誤兩清明

望鑿華山

路過火燒堰鑿華咫尺間登天應不遠雲鎖萬重山

法藏寺

寺爲白牛和尚道場

踏盡竄塵喚奈何息肩誓欲問維摩只今仙境秦人少

自古各山蜀地多貯藏樓高因瑟廢覆碑亭圯賴神呵
白牛故址應無恙更擬追尋上綠蘿

有叟

有叟怪扁戶攜尊前致詞聞君寡同儔引滿斟酌之港
險毋自訝波定毋復疑貴賤各安分通塞聽所宜倘令
巧與詐何如拙並癡感謝芳鄰言且拜且相規今世戒
直言此言何其危

五月初一日同墨莊遊醒園

久不到醒園三徑荒都過低頭碍花枝每被蛛絲罥池
作十字裂草深魚不見醑醑架未支縱橫草間岸蘭花

真幽獨細葉乾如線翻讓滋蘭圖畫出轉惹蒨蓬蒿爭
雄長荆棘來相唁垣頽蹊爲塞石崩山亦怨拌足虺蛇
蟠衝路鳥獸竄破窻風颼颼古屋月艷艷借問此胡然
課督失勸諫畦人事西疇新田十雙佃專力及我私于
公遂失盼今朝花木喜幸識主人面伯仲兩老翁相携
邀乃眷旣來必有詩吟成試聽念何人具雞黍日暮舉
酒燕吾家有阿興烹炮能亦擅老子興不淺一醉日如
眩回頭謂園丁誠之莫吾慢

述懷三首

鳳鳴必高岡鴻翔必寥廓當爲上流入肯歸天下惡旣

與時事左難負風昔約所以童山子欣然學行脚入則
百尺樓出則千里屨

吾弟有奇興勃發遊峩想要登萬仞峯卧看孤月上知
余寡所諧塵累增慨慷爲言千里雪頓覺煩胸爽倘令
君不借吾意亦獨往

豈無習家池芻蕘踐野老豈少鄴侯架繡閣費幽討富
貴等浮雲得友乃爲寶石臣我所師豈祇平生好此杖
不同持轉眼元髮縞

答張林川

懷泗

萬里火雲燒益州問余何事作峩遊飽聞頂積千秋雪

已備行囊六月裘勇氣雖慙搏猛虎狂心竟欲逐猿猴
洞天福地吾川勝舍此安論十二洲

晴

長夏烟村暑倍蒸好風漸覺早涼增蕉窻昨夜蕭蕭雨
柳港今朝處處昏喚婦枝頭遙聽鶉呼朋案上早來蠅

一枰棋罷渾無事隱几西軒自由肱

三四本作大江昨夜初添法小港今

朝便有昏後改此句雲谷質于廣漢牧徐芷塘先生曰
大江句工整不若蕉窻句丰韻遂定雲谷和云一
度曠烟橫牧笛半灣新月落漁罾林川和云僧
歸野寺釘頭履人立遙村渡口昏俱工

宋老人種花歌

宋老人年七十五抱甌矻矻自澆圃素髮飄蕭百事忘

言集卷二十一
胸中只貯羣芳譜問翁底事老貪花爲言作此遣年華
回指房湖好風月數椽茆屋是吾家花不由天由我主
不許趨時要趨古六銖衣倩月娥裁五色石遣媧皇補
蟠屈瓊瓏隨手成龍拏鳳翥蛟螭爭君看白摧黑人處
却有花枝背後橫每屆春秋二分日老夫杜門不出月
可憐花犯驛馬星東移西栽不得侏聞君此言爲悄然
家有醒園未得還松菊無存垣就毀看翁真是地行仙
老人愛花兼愛客醉飲一斗復一石他日我眉歸去來
重訪誅茅宋玉宅

紫葡萄

居然綠珠子誰道是葡萄馬乳千枝滴龍鬚
百人高摘來全酒味大勝出家醪多謝分甘意
嘗新到我曹

訪林川不遇

林川雲谷姪口吃人呼期期家金雁橋東屋數
間而已余嘗訪之不值見其弟甬山懷溥題其

壁云

豆花深處別開門中有幽人日樂園讀盡草堂黏壁句
周昌不見與誰論

攜尊曾醉竹林間小阮偕行日往還風雨茅廬人不見
蓬蒿滿徑桔槔閒

廣文陳夢亭

浩

黃漢南

步青

袁大

雲章

彭大家

及家弟

超

皆墨莊

繼元

同年

夢亭望縣令餞武侯祠

有人才百里共此舉千觴要算同年會依然少日狂風
翻荷白舞雨打竹俱香向晚蟬聲報斜日下墻

陳夢亭携酒再遊草堂

何處可携尊惟有草堂寺清晨赴宿諾諸子連翩至暴
雨忽凍凍簑笠不服備入門問梵安誰識周君治細徑
墮幽篁屈曲得待致遺像在中堂瞻謁曩曩二一爲何
氏勒刊本家藏秘一碑鐫差小乃出了制置

宋制置丁

初元兵趨成都蘇戰于石筍街而更有數豐碣落筆龍
漫蜀人鐫像祀此今多認爲杜公

蛇避泛草唐人詩別眩符篆字三丰與山峯未可究同

異

碑款以張三
斗爲山峯

與杜風馬牛亦復思附翼坐令白髮僧

登登日擣礪便有數衲子踉蹌安食器陳平信可人能
宰卽能吏咳唾謔風雲咄嗟辨殺哉令嚴徵事忙冥搜
到腹筍簷滴漏無聲亦各醅酌醉人生參與商掉背卽
異地卽今星聚五豈保沙散四何以寫雲烟火速以詩
記杜老不云乎文章千古事

艾鵬九惠眼鏡

箠令手生涼鏡令目生光閨五出門後二物常攜將箠
雖不離手偶失亦無傷鏡若不在日遂覺兩目盲豈真

為鏡盲而視早茫茫有則細字過無則廢參詳我有水
精鏡產自西海洋巧匠琢磨成日月來雙睚昨朝出錦
城偶失青石坊失鏡如失目遍求為徬徨刻舟記舊痕
健步走踉蹌日中期不至武陽聊停航艾子城之南命
駕為此忙知我目失恃有如唇齒亡出其癡叔儲倒贈
傾筍囊兩目忽開朗讀書聲琅琅不足乃求助此理老
漸嘗髮已霜雪侵牙又嚼咀妨目有鏡可明牙髮將誰
商况嬰身外物所值寧相當書此以謝君筮鏡俱可忘

青神舟中與墨莊同作

青神繞郭盡桑枝喚作蠶神未必非少婦賣棉城裏夫

老發耀米市中歸

三崑雲氣聞僧說五渡風聲動客愁
昨夜板橋溪下泊孤燈同話酒家樓

自題荔支圖

昔年曾到臨邛署只見荔支不見樹
雨葉風枝出小籠紅羅白玉留新句
一生飽識嶺南姝不及嘉州色味殊
六樹垂垂江岸發孤舟寫出荔支圖

凌雲寺

清江一筏濟中流直到凌雲最上頭
三水奔騰城外合九峯排立縣前收
信爲西蜀最奇處獨上東城載酒樓

尚有與高成慢望苦鞅咫尺隔烏尤

望烏尤

嘉州城外雨油油短後中流穩似舟三日平羌江上別
回頭猶自見烏尤

自嘉定至叢眉道中作

暫謝盤興試竹簾浮飄渡口浪
酒消此生只合各山老

着破棕鞋又草鞋

草鞋淡在嘉州四十里

水驛江城日日過雲峯高處見

二叢荻坪山下平如掌

一路人家白蠟多

叢眉縣產白蠟從建昌買

叢眉望皆蠟樹立夏後
既種用桐油葉裏置樹

上半年其蟲化出延緣枝上身
白衣薄厚即白蠟也其爲利甚

日

露葉翻翻翠剡齊
塢田人喚水
川西何方擊鼓朝山客
驚斷秧鷄不敢啼

遍尋智度問偷伽
不見繡經白馬駝
自入華嚴峯下過
鸚哥亦解念彌陀

平日功名浪自期
頭顱至此臨以方
遲一肩燈草人擔過
却憶書窗夜課時

我眉產
燈心草

古寺蟬聲噪夕陽
縣橋燈火下程忙
前驅負弩渾嘗慣
我已心如在佛堂

陰連百畝引橫枝
嘉樹還須轉塚移
未省江陽有黃葛
當年却笑子由詩

題靜齋弟峩山卧遊草

眉山何處問蒼穹雲雨迷離雪嶺東怪道卧遊山不上
峩陰終日撲簾櫳

聖積寺

纔登十里盡雲峩夾路蒼蒼半是松銀色變爲金色界
千金佛塔萬金鐘

伏虎寺

欲問峩山面目真峩橫如虎伏嶙峋老僧留客前樓宿
卧看天邊月一輪

懷蔣太史虎臣

彈指三生悟夙因，木天我亦過來人。
能從大海翻身出，只有蘓州蔣虎臣。

玉女峯

峯前石壁上有
刻詩字甚劣

玉女娟娟窈窕姿，翠微高處有天池。
憑僧夸似銀河水，難洗徐凝瀑布詩。

中峯寺

乾明舊觀滿蒿萊，果老當時射蟒開。
要問荆南神水事，青山曾見鉢飛回。

廣福寺

芊綿草樹脣高臺，陡見羣峯四面開。
夾道拂烟皆五倍

怪多蝶子趁人來

蜀語文蛤卽五倍子蟲生那拂烟樹中有細蟲無數飛而噬人甚弄名蝶

子蟻音莫俗呼蟻蚊凡采五倍子蟲未出時取蒸蟲死方瀉而可用如遲蟲已出無味矣

雙飛橋

飛閣臨空跨彩虹
琮琤激玉叶松風
道人倚杖巖邊立
長見雙龍戲水中

清音閣

寒深瀆薄日喧
厖白晝濤聲怒若雷
我欲暫求僧榻卧
忽驚風雨四山來

牛心寺

水作符文交黑白
嶺迷雲色失東西
力疲不到牛心寺

開倚僧寮看石溪

金龍菴

縱檜參天古德林
霜皮黛色翠森森
不知深洞何年塞
陰雨時聞龍一吟

萬年寺

卽白水寺唐李白聽廣濟彈琴處有詩

白水池中龍作雨
青峯頂上虎從風
彈琴衲子今何在
萬壑松濤一夜中

慈聖菴

明萬曆間勅建有慈聖肅皇后勅賜十八羅漢袈裟並耳環鑿存菴內

一株溜雨老杉樹
幾個號風半朽松
莫笑茆菴如笠小
當中明祖有真容

明太祖真容

在慈聖苑余辛丑年六月六日在
南薰殿曾觀顯帝王圖真大內像也

龍顏七十二黑子

南薰曾仰帝王圖如何火炬鳳陽

後又見人間畫鼎湖

賦得山中半晴半雨時四首

與楊王
泉同作

山中半雨半晴時
澗水分流細入池
四面白雲如絮帽
不知何處望峨眉

底事三竿睡起遲
山中半雨半晴時
芭蕉不住瀟瀟滴
贏得僧樓一局棋

白龍疑向雲頭挂
糝糊寫出米家畫
山中半雨半晴時
支起東窗同客話

芒鞋準擬踏巖响久住真成老住持試問我峯何處好
山中半雨半晴時

觀心坡

曉風吹我入虹霓灌木叢篁咫尺迷誰道天階升不得
峩山處處是雲梯

鑽天坡

萬磴高蟠蛇倒退一峯巉巖雁飛回却歸下界君當敬
我是從天鑽過來

白雲殿

殿楣籥爾飛如絮洞口蒼然出似綿底事關門籠入袖

他時擬作撻雲篇

雷洞坪

懸厓竒石鬪猙獰老樹蟠拏莫與爭
怪底空山聲隱隱七十二洞盡雷坪

天門

碧翁翁色漸能捫但覺蒼蒼氣可吞
喚作天仙君不信今朝真箇上天門

金殿

祈禱王孫內府空週遭盡是滲金銅
老僧不識山河改猶指樞圖說故宮

樞陰銷明太監奉
勅入蜀進香圖

我頂二首

巍巍一氣接鴻濛呼吸遙連帝座通却看雲堆平地上
始知身在半天中一輪光暈圓如日萬點燈明不礙風
六月重裘非詫事總因漸入廣寒宮

拾級登天路又分混芒渾不辨氤氳人言峯頂真如月
我見峩眉盡是雲四壁銀光千古雪兩廊銅榻萬年文
昨宵風雨何方降夜半龍歸隔寺聞

白龍池

龍子蟠拏澗水中噓雲一線接淇濼何方香客偷龍子
半路風雷忽起空

接引殿僧思泉求詩

仙女五十三步長老人十四盤偶同思泉小語不知身在雲端

菩提果懸頂上普賢菜捧頭陀暫借僧寮一飯讀盡半部楞伽

新繁道中

益州萬里正炎天遊子還家書一頁忽見前村來驟雨
稻花風裏過繁田

新繁南關三會院石佛新自土中掘出有蕭梁年號周文明乞詩爲題一絕

我遊三會逢周老爲言佛起自薰梁捨身同泰當同日
應見臺城索蜜嘗

爲海明和尚題一笠亭

海上一僧來見我先一揖雪鬢霜鬚眉叉手道旁立問
君何所攜糞筍鹽豆汁知我峩山來曾拾天門級兩袖
猶攜雲雙鞋尚沾濕誤謂赤松張不知穢史習自言有
蘭若叢林近彭邑邇於梵宮左小亭別誅葺山形如笠
形乞名賜新什我聞暉禪師棕笠岩中拾又聞釋利登
蓬笠種田隰他時亭落成便名曰一笠

遊丹景山用楊升菴韻贈同客大師

又着芒鞋踏翠微。巒巒高處款禪扉。不知瀑布何方響。
但覺飛泉亂撲衣。天入雙門雲蕩蕩。山連九隴雨霏霏。
盤陀石上一回眺。始信人間此景稀。

贈張老人

老人八十四日走五百里飛行人不聞來往白雲裏

離堦

一自金隄鑿三都水。則分犀沉秦太守。蛟避趙將軍。萬
戶饒秔稻。千秋薦苾芬。役夫千二百。誰繼武侯勳。

伏龍觀謁范長生祠

丹闕琳宮壓碧峯。珥貂道士尚遺容。任君萬石施諸李。

不及千秋伏毒龍

遊青城山

昨日辭丹景今朝登青城名山遊既遍漸覺芒鞋輕飄
飄從東來恍若御風行舉衣凌青霄丈人遠相迎遂至
軒轅臺古洞聲泠泠云昔張道陵煉性門常扃人騎黃
鶴去空留芝草青至今六時水猶刻符篆銘咄哉試劍
石想見驅風霆離立何年劈尚使魑魅驚邪氛世豈罕
何必皆山精我欲持此劍盡掃諸有憑區區奪與范枯
坐求長生冲飛竟何益要皆歸杳冥其萬蒲果可服吾欲
誅九莖

訪唐昌書院山長米曉亭錄
余癸未同年進士也
由安樂令罷歸又十年矣

十年不見老髯翁君在江西我在東金馬碧雞坊未到
唐昌先訪米南宮

張家礪

七月之交雨茅亭酒獨嘗
一林橙葉暗十里豆花香
年老詩偏澁泥多路轉長
只因心上火添得鬢邊霜

軍屯阻雨偶畫墨梅酒家壁上

新都本是升菴里不爲栖栖亦應遊
小雨軍屯成暫駐
墨梅畫滿酒家樓

酬張雲谷

邦仲

遊山經過再停轍，絲管攜來不勝喧。
萬頃良田堆稻穗，三千食客盡梨園。
奔馳休羨雲籠袖，高卧何如月上垣。
體胖固宜藏潤屋，輪君著述萬餘言。

酬黃望亭

今偉

官舍已歸鄭虔馬，著作高於李白墳。
三峽源流驚雨瀉，一旗壁立張吾軍。
句如河漢言堪怖，舌似雷霆思不羣。
見贈有簪笏滿門三學士，
雷廷貫耳一將軍之句。斗酒連宵煩過話，
只慙見面不如聞。

酬張林川時管軍需局讀書倉中余訪之以新作

義大記質于余時將進京赴選

宗魯文章錦不如胸中別有智珠儲郵傳驛裏閒敲句
輪粟倉中自讀書義大識家因戀主隻鷄過訪爲憐余
只愁貢禹彈冠去林下何從覓鯉魚

開元寺贈慧眼長老

看山看水何時了奔北奔南不若休却
冒雨風尋慧眼
自憐霜雪半盈頭一窻桂影新留月滿院松聲正送秋
記取去年曾到此開元讀遍藏經樓

哭陳菴山一百韻

嗟余寡所諧四海一菴山結交三十年豁達傾心肝久

要金石固何期溝壑填暮雲一朝斷悲風千里寒憶昔
已卯歲石室借文壇見君子錦江意氣何騰騫才大屈
小就副車誤中韓我輩愧登科君適肆成均敢屈弟子
列聊作忘年論癸未讀中秘君亦宰回安相距不百里
相思卽跨鞍劉天李激姜錫張嵩孟卽皆川之所賢每
於酒酣後議論翻江湍能爲青白眼不作忸怩顏遇物
苟不平大呼助必殫我時服初闕補官如積薪借責孰
傳別周急同及門蛟龍得池水遂起涸轍鱗再墜考功
司持衡南海滬歸裝未改俶觀察潞河濱此皆君之助
愧我非其人而君方艱居誰爲匡寡聞鷺本不任重鶴

豈可乘軒一蹶雖復振再起遭前冤愆尤固自取媒孽
復多端 天威殆不測罪重實負 恩君實我僚屬急
難如在原晏子解驂乘徐晦送藍田馳驅百身贖乃免
竄極邊核簡部吏迫代完三千錢函海刊未成代償三
百緡此又君之力休戚抱痾瘵苟非鮑叔知此身安得
還魯憶乙巳春歸程渾河干君方邀新寵行水邁餘堙
留我桃花汎百口叨盤餐苦勸服官政竟欲謀灰然予
日且歸誠尚可供粥饘子稚失教久况有高堂萱君亦
捧腹笑謂我言爲然坐指四兒女婚嫁遞朱陳明珠雙
白著翡翠金花鈿堂前宴賓客簾內羅嬋娟鬢髻陳百

戲鼓樂喧四筵方卜飲晝夜肯顧年華顛明知各桑榆
欲言聲復吞晚當宅相近兒當早完姻誰知卽死別回
首黯傷魂猶憶去年書灑灑千餘言先言西藏動騷驛
羽書繁曷不事遠遊里居良獨艱浮江探名勝倡和皆
雲湘輾轉至京華楊將爲子懸再言 陛下聖側席方
廣延况際無疆日 天子萬萬年嵩呼搃山岳經壇躡
聯駢公卿舊屬目薦引豈無絲棄瑕或重錄可還本分
官其言甚迂遠其意良篤敦翻覆百遍讀冷屋爲之溫
老妻喜不寐便爲檢行纏侍妾冀相攜粉面爭光鮮稚
子舞破瓮繞膝相衣牽厠養皆直人相慶整歸鶴其時

歲正臘闋戶皆歡闋踈蹠未卽行又遽訟事連遲遲春
徂夏始得脫拘寧正擬戒行李相晤曝書前豈期道聞
計頓眉遊峩旋雲谷口中說芷塘坐上宣坐令一夕淚
化爲萬頃泉驟聞悲且詫旣久疑未真君年未衰老霜
鬢初侵根食肉兼人量酌酒不計尊君才老益練勤極
彌精神豈有筋骨壯而受風霜患叶漸聞信益確始覺
憂心帽子切初總角塗鴉字未全弱女得賢助女工猶
欠便自君瞑目後提攜孰爲憐知君無餘財清白貽子
孫南部去永定道里半鵬搏歸定知不易誰爲贈賻錢
以此心如割痛苦劍鋒攢出愁入亦愁行止俱兩難嗟

君忽竟逝君實全蜀寇 朝廷重河防屏風名早箋
超擢必總河榜樣前有蘭錦云何不稍留奄爾爲長眠
嗟余雖林下敢忘風昔諱感恩與知己要歸 聖明君豈
無安石志日暮途迤邐里長如劫盜老婦倚門看誓欲
傾家貲仗君如仗天云何不稍待遽隕若墮垣嗟君今
逝矣余復何賴焉子旣不克肖鄰亦多藏奸梅尤少佛
穢駐顏無仙丹卒爲鄉人老空有虛名傳臨風北望哭
哭罷天爲昏

中秋風雨示龍山

人事今年又不同一盤梨栗對衰翁已嫌月暗何當雨

早覺秋涼况又風菊爲閏年開早蕊桂因子夜落殘叢
隔籬呼取墻頭濁更與龍山一再中

九月初八日鳧塘自粵東回里宴集補入亭

憶弟正遙望欣聞返故鄉貌仍菊花瘦衣尚桂林香名
刺磨千紙空囊剩一箱晚來看行卷猶語總難詳

贈晉熙山長何鰲峯

登榜

鰲峯曾向鰲頭占眼底無人我一人自把一心歸白足
不將兩腳踏紅塵書聲夜起祥符滿字法晨摹淳化勻
自古詩推何水部其如君倦恐勞神

鰲峯有詩苦亦勞神之語故云

安縣張明府薊圃

仲

招遊大安山憇九峯精舍同

山長顧鱗門弟墨莊以安州名山四字分韻得名字
皂蓋招遊餞宿盟背城凹處九峯橫人多蠻語難通姓
山近鴻荒不問名魚解叅禪池裏定鳥諸奏樂竹間鳴
年來詩思慙才盡甘讓諸公句早成

謁岳武穆祠觀送張魏公北伐詩碑

獄成三字後又讀五言詩不意西川土猶留北伐碑鐵
人應例跪玉馬尚聞嘶莫問中原事冤禽萬古悲

題綿竹少尉姚愚谷尊人靜巖先生遺照

王子猷愛竹陶淵明愛菊不謂千載後此菊繼芳躅採
菊便攜酒愛竹寧無肉嘯傲琴書間悠然俯仰足貌如

南極仙心似西方佛三霄何時迎四大本無物積德固
宜昌兒孫滿庭玉種樹卽種人不信看愚谷

題少尉姚愚谷讀書秋樹根圖

蘊藉人如平遠山梧桐葉落滿書間秋行常帶鷓鴣杓
不許丹楓占醉顏

宦遊風景愛錢唐師友年來夢杳茫今日把君桑落酒

梅東市脯說家鄉

杭州梅東市賣家鄉肉

贈伏虎寺源明上人

伏虎禪林深又深一卷地膽與天心老僧不管繁華事

撈起東窻聽鳥鳴

白山茶

園小纔如斗枝繁粲若銀含苞中夏日拆朵小陽春
冠脫瓠初剪瓠音胡犀齒乍勻漫言殷未久也勝百花新

祥符寺題壁

冬至陽生尚異鄉小童絡繹寄裘裳
昨宵夢醒寒浸脚却倩湯婆熨冷床

巨賴祥符矮老僧時時催我寫黃庭
院中多少閒欄楯不許攜家借桂亭

贈綿竹裕明府容齋

德

神交十載早知名科第英年冠
帝京父母南軒夫子

里官聲直似月波清

綿竹山高繞縣衙風流管領蜀山茶
前身潘岳君應是
贏得河陽一縣花

送鳧塘回京省母

只因京有母翻似返家時
弟自官逾貴兄將老漸衰
三都皇甫序六首夏侯詩
不爲門閭望墳荒肯暫離

雲谷送崇寧楊梅六株種於家

崇寧珍果不殊鄞塔子
山前刷數根惠我分
我應有音

諸楊合遣任南村

東坡詩南村諸楊北村盧余居南村故云

冬日

殘冬無復事遊輪爲近暄窗啓戶頻只把奇書消短晝
更無俗客惱佳辰狸奴碧眼銖懸午獅子紅茸毯睡巾
不是茅簷貪向日從來曝背獻明君

冬夜

小齋兀坐擁書城長夜如年筆硯橫早兔撥雲驚日上
寒雞驚漏詫先鳴鐵衾也學人情冷燈燼偏于吾道明
不是避人人避我三冬文史足平生

己酉除夕

家人何事慶宜其爲我樓居楊又移農說占星徵穀賤
兒喧壓歲擇錢遲時有擇錢之禁今年醉到明年醒老者難隨

少者嬉忽憶武昌遠遊客不同卮酒樂怡怡

墨莊時
遊楚

却檢生衣祀祖先合家歡慶拜庭前小名猶記高堂喚
大字難書帖柱聯裘已無毛空豹鞬皆依序似蟬聯
病軀懶放除妖爆只把龜蛇鎮宅懸

童山詩集卷二十八

綿州李調元雨村

庚戌

元旦試筆

玉簫金管鼓喧闐不覺春光又一年
守歲兒童慵未起賀新賓客早來前
幾盆長樂迎風麗一樹梅花妬雪妍
我有知交在書內開編無數古名賢

黃楊花并序

世謂黃楊無花而宋朱長文百幹黃楊詩有春
餘花淡薄句則古亦有之初五日至曹氏妹家

見庭前黃楊開花色淡黃如桂蕊而清香可人
或云樹之壽者始作花吾妹伶仃寡居三十年
天道無知子然斬祀形單影隻內顧煢然而霜
鬢雖斑精神獨健意者天厭曹氏而憐吾妹故
壽其嗣而豐其年乎則是花未必非吾妹壽之
徵也因作詩預祝

曹氏黃楊樹侏儒歷有年一生常厄閻萬蕊忽爭妍
小枝枝綻香交葉葉連當年曾手植今日對華顛顛顛
形何瘦伶仃影可憐澤徒悲五世教尚憶三遷妹有子宗聖甚
慧親課讀書未幾殤遂絕有種偏難樹無知欲問天
此花何自苦結

子却芬然不減
萋萋瑞堪借
萸萸編定應徵壽德特出
表貞堅似桂月中落如枹雪裏鮮同根傷獨卷錯節必
長綿春酒時方介風姿晚欲仙老兄無別贅藉祝栢舟
賢

長樂花并序

長樂花本名紫華見晉傳元賦序云紫花一名
長樂生於蜀其東界特饒唐蘇頲長樂花賦序
云蜀太守庭際有紫華草吏或告余曰此長虞
所賦蜀長樂花也明何宇度益部談資長樂枝
葉皆如虎耳草秋後叢生盆盎間開紫色小花

冬末轉盛鮮麗可愛居人獻歲以此爲餽名曰
時花按卽今蜀人所呼年景花也以應新年之
景故云

時序有新故愁心無邇遐如何隱憂日偏開長樂花嬌
姿禁雨怯醉態舞風斜滿灑從今始無須詠猶嗟

寄蜀中四仙尉

四仙尉一彭縣盛世綺竹厂秀水人善篆隸一
綿竹尉姚淳愚谷錢塘人善楷書一彰明尉周
琦大可大興人善草書一峨眉尉李淵子靜通
州人工詩

蜀中四仙尉盛姚周與李彭州工篆隸敦彝辨戊巳晉
熙善楷行蘇黃亂真似昌明好草書拈筆用兩指三十
以書名一掃蹄千紙而獨峩眉翁抱膝吟不已家在田
盤東遠宦平羌泚忽見峩眉月自號卧雲子四仙皆酒
人白眼看凡俚而於老農中獨於我乎喜自遊名山還
相思隔烟水夜夢輒見之可惜道千里傲吏囊苦貧好
客壘每恥何人爲薦拔治中資佐理因風爲寄聲吾亦
漸老矣

元宵

月華如水夜如冰又見家家火樹增古畫四圍聊對酒

濃油一盞當張燈寶塘鳥賦從兒咲疊鼓投瓊讓客能
却憶去年奔命日錦城絲管正喧騰

洪雅副榜張

登見顧言欲訪唐五奉贈

家居常少歡慵臥遂成懶有客叩柴扉卯酒忽驚散傳
自洪州來涉險路非坦執贄迎前庭降揖禮應館觀其
貌清癯短小乃精悍與論天下事腹如不平滿自言惟
誤中安用卽墨管誓將遺劍臭一浪平生憇知君多慨
曠求爲撫翼卯言罷氣益豪且與飲食衍李布豈不能
所愧囊橐罕唐衢居未适或可借籌算君謀必可成吾
非學媒但驟領色頰變俯思神乃緩長嘯出門去山林

皆導窾

寄鰲峯

昨日雙騎至相邀萬卷樓詩牌君父子書庫我公侯宅
笑南村小家羞北轍謀今朝憑小宋好爲一持籌

即宋通

鰲峯至醒園不作詩既去戲作長句

鰲峯父子皆奇妙雲龍山頭三日眺自言出句必驚人
今朝竟被醒園笑酒酣更上一層樓詩成嘯傲凌滄洲
高興欲騎雲表鶴忘機驚起沙邊鷗薄暮歸來寒色緊
猶向農家求酒飲不知三竿日上簷誤認四更月來枕
一自辭歸射水濱江天寂寞又連旬再來如訪武陵路

只恐桃源不見人

過姻家唐華國之菴小園

春日探親串龍灣最上陂方池藏丙穴小盎長辛夷背
日山茶活搖風石竹垂蠶翁無別好可許線楸移

栽楸移

弟雲亭新闢小圃余爲題曰春草園

人世百年少一年一回老天意逐年新一年一回草人
道園中花錦繡盡堪誇我道園中草茸茵無用除長檜
周茂叔窻前綠滿目忽見謝惠連池塘佳句出君園何
時成請以春草名但願人如草春風吹卽生君亦知此

越引到草深處醉倒看青天白雲自來去

畧坪張山人隱居

雖云居近市却是僻如村臨水常安榻看山別設門飲
醇知友德塗墨亦師恩相對俱頭白頗驚感舊魂

雕水關

微外詔羌路當年設險關一江流湍水萬笏拱岷山官
炭黃錢販番椒白草蠻車書今一統荒堡成樓閣

泐溪夜行

溪水隨我行忽別不知處我行至前村溪水又相遇萬
水千山管送迎翻雲覆雨手中生於人今日知何去不

及溪流送我情

見賣薔薇花作

喚賣薔薇三月天兒童爭戴幾枝鮮
老人見此癡狂甚欲購囊無大版錢

時錢有大版二版之別

唐家洞

地通樞樛氣崖摩積鐵形泉拖千丈
白苔濕四時青空腹懸鍾乳當頭列
畫屏使思移宅任危坐讀黃庭

客中

蹠足卧西軒客至慵不起自言城中來
新詔憐赤子盡舖今年租歎聲沸閭里
聞之慰老懷種秫已可喜又添

數甕雲幸免醴如水自慚久疲癯
癯始搔滿指不覺筋力強蓬頭自梳理
起來索布襪忘失草堂裏

三弟檢討墨荒自楚回里以出峽
草見示言此行於金陵得見袁子才
於杭州得見祝芷塘爲快事

爲題二首

去冬方出峽今夏始歸綿却怪風波
裏如從平地旋客懷同負米市易擇
新錢縱有文如錦應難換粥餽窮本
飢驅去詩翻滿載歸秋風何太速夜
雨久相離咏史逢袁虎談文憶祝龜
茲遊良不負得見兩名師

滅徙

徙者癰也蓋移徙處地自廣也余有癰始在足
腕後移兩項百治不驗綿竹何鰲峯教予驗方
以田中穢螞蟻搗爛塗之痛數日根株可絕余
遵用之項肉噴起呻吟五晝夜癰決如崩膚落
滿地癰滅而余亦委頓幾絕蓋用濟河焚舟之
例以滅徙實割地以予徙也因作滅徙詩以自

警

瘍經一百八惟癰最頑鄙其性善遷移建號故名徙雖
云不足憂輒與項唇齒乾溼風馬牛沙蟲聚族起窟居
皮膚間早晚謀不軌始徙之來奔在項下宛底築郭纒

如錢不直置不理偶然值蠢動抑搔亦可喜後乃據咽
喉夾項依兩耳荷葉簇魚鱗剔批費摩揣抉之屑騷騷
快意恨少弭一痛乃徹骨膏血流不止方知爲內患府
藏猶遠彼遂疑爲外憂蝥賊實在裏屢攻寇益訖息戰
騷又起憂將同百年禍欲延千里戴天非不共墜地懼
無已不許吳越成竟憤齊魯恥謀之藏與獲不疾瘕蠹
累謀之妾與媵又作投鼠擬醫國等醫人非戈亦非矢
不知何方人歎門願除此自言青腰蟲人號秧螞蟻家
世本農居春夏常行裸知君有隱憂故獻計一紙君欲
除巢穴視之如折筮但須能割愛仇敵乃披靡聽則爲

君滅否則騰身駛便持伐性斧請從將軍指遂揮三千
人竟投徙國壘戰聲五日夜徙子化爲水健兒無一還
項亦及捲矣惜哉青將軍忠冠田橫士封卹未見褒關
恩當汗泚而項亦解孝一念忘身似不凜垂堂戒髮膚
甘自毀然項之爲項倔强固可恃筋傷非不苦赴敵不
稍俟寄語小公庶未平諸瘡痛勿再欺項君定計在咫
尺誰爲詩代傳項主人姓李

醒園雜詩八首同墨莊作

大觀堂

萬松園一臺前榮見千里每逢風雨來濤聲亦可喜

木香亭

迴廊深且幽，靜室矮而敞。時有幽禽來，作巢樹梢上。

栗亭

敲落聽兒拾，爐煨任客嘗。安亭最幽處，四面栗花香。

坐花館

桃李滿芳園，天倫多樂事。癡兒不解花，遶樹尋果餌。

清溪草堂

清溪溪水清，照見溪上屋。幽人正著書，燈光映修竹。

洗墨池

石亭下有池，題詩多石刻。至今池下魚，頂上有遺墨。

臨江閣

俯視江天青仰觀江月白年年江上人閱盡往來客

巢雲堂

古有巢居者寥寥不可聞忽逢赤松子長嘯入青雲

栽花二首

醉裡生涯最樂耽茂林修竹似江南客來若問翁何事

趁雨攜鋤植氣柑蜀人謂柑為氣柑

課獠清晨上小岑栽花直到日微陰詩成不用旁人和

自有流鶯相對吟

得歸茅屋在四桂軒南用杜少陵再至草堂首句意也

幅巾藜杖得歸來，心已全灰眼倦開。
宦海波濤都似夢，敝廬風雨幸無頹。
萬竿惡竹不勝斬，數寸新松尚可培。
却喜間關非揖讓，儘容踈嬾不須陪。

嘲石土地

石土地雲谷之僕也，名麗八，爲人朴拙而貌偃，
僂舉止可笑，故名。

占得人間土地名，定應頑石老成精。
心如混沌竅初鑿，身似蘧藤俯不成。
背上重擔何日釋，胸前碓礪幾時平。
橋頭樹下全無分，只合長隨老曼卿。

水烟壺

腹如壺，以銅爲之，柄如匙，脛長，其筒入口，以噓烟氣，其烟背橫安，背小腹內受水處。

畢則
換

本係呵烟器呼壺亦近之鼻嘘龍虎彩腹吐雨雲馳既
濟占周易司人缺禮儀最宜微醉後
笑挈小童兒

和鄒鑑亭韻

故人相見轉成愁白髮毵毵各滿頭性辣桂薑嘆已老
身衰蒲柳尚禁秋
客暮君如燕浪跡江湖我似鷗
何日天台同採藥桃花洞口看溪流

成都送弟墨莊木菴北上

雨馮紅塵黯不分錦城絲管不堪聞一杯駟馬橋南酒
萬里飛鴻塞北羣
追送難隨綿水月相攜猶憶太峩雲

憑君寄與京華友，小李將軍欲賣文。

困園雜詠四首

困園初築亦悠然，地狹偏能結構堅。
登石爲山全種竹，穿池引水半栽蓮。
拈花偶笑人稱佛，戴笠行吟自謂仙。
曾到名山遊脚倦，此生只合老丹鉛。

獨坐園林百不思，細觀物理識安危。
鳥巢密樹飛方覺，魚在深淵躍始知。
麈尾常留親漉酒，案頭時有白圍詩。
本非畢卓何妨醉，莫怪長年獨把卮。

老來意氣尚縱橫，指點前賢入品評。
未許陶潛稱酒隱，肯教杜甫占詩名。
好官市上優兼備，佳客門中弟與兄。

看透世情惟冷眼知予不是不平鳴
一年一度出遊遨多所枝梧少所遺題壁草書驚太怪
逢場作戲詭猶豪不能酒却常求醉暑解棋偏自詡高
漢帖唐碑是知己歸來何惜校讐勞

移居困園二首

奚童隨我蹇騾回水檻山亭次第開林下鳥聲偏聒噪
杯中蛇影尚驚猜北窻暫卧涼風至西圃方澆驟雨來
經濟一生如此了天年只合老樗材

嶺上多雲只自怕山中幽事許誰知奴諸買藥回場早
婢解澆花汲水遲謝客不藏家釀酒教兒重寫近吟詩

合家只要團圓樂富貴何須美夙屢

七月二十日起成都慶典局

萬壽期臨赴局忙朝衣檢點入行裝凝兒不識山龍袞
誤認阿翁入戲場

將過廣漢邀雲谷赴局四絕句

傳聞廣漢多才子巨擘繩鄉手屈公一自留題金雁驛

酒樓都唱滿江紅

雲谷與望亭和余集中滿江紅詞十首人皆傳誦

人傑原須仗地靈飽諸水綠與山青邇來聞得頻遊俠
夜雨挑燈註葬經

宋老園林百卉奇觀花每到必留詩鳳仙勢利明朝看

童山詩集

卷二十八

七

定爲仙班少兩岐

去年雲谷與余昆仲遊宋園忽風仙發三兩岐今墨莊已上京種翰林故

與君同作老漁翁
兩紙書催錦水鴻
收拾釣竿還自笑
一班草莽盡呼嵩

長歌

贈艾子

去年高躡峩眉煙招攜子季下南川
故人相望隔雲水
武陽不到心茫然
黃蘆白荻城西路
君家正在城深處
槐陰池閣酒初闌
細雨孤帆別君去
今日相逢錦水濱
一杯重把暗傷神
老來豈可無鴻侶
長憶峩眉共往人

移居同年王心齋宅
心齋官懷寧令以事繫獄久

之得釋今歸錦城奉贈用前京中寄懷原韻

與君登籍憶髫初轉瞬今爲兩隱居
蕪武新歸邊上節鄒陽曾上獄中書
負車猶怯銜枚馬解纜同爲縱整魚
共沐恩波返田里林間歲月總寬餘

心齋置酒

本自安閒偏自忙錦城鹿鹿造君堂
耳還欲塞聾何害身各無官醉不妨
婢似康成詩解誦姪辭樊素恨難忘
江南往事回頭看總是人生夢一場

豆腐四首 和心齋韻

諸儒底事口懸河總爲夸張豆腐磨
馮異蕪蕪啞卒辦

石崇鑿韭笑調和，桐來鹽滴醜。翻膩濾出絲羅漣，液多

富貴何時須作樂，南山試問落其麼。

家用爲宜客用非，合家高會命相依。

明末吳宗潛有大烹豆腐瓜茄菜高

會荆妻兒

石膏化後濃於酪，水沫挑成縐似衣。

豆腐皮

作銀條垂縷滑。

豆腐條

劃爲玉段截肪肥。

豆腐塊

近來腐價

高于肉，只恐貧人不救饑。

諺云豆腐撮成肉價錢

不須玉豆與金蓮，味比嘉穀盡可捐。逐臭有時入鮑肆，

黝者爲臭豆腐

聞香無處辨龍涎。

乾者多五香豆腐乾

市中白水常成醉

白水豆腐

寺裡清油不碍禪。

清油豆腐

最是廣文寒徹骨，連篋秤

罷臥空篋。

世謂廣文有連篋秤豆腐三斤之諺

敏捷詩慙七

步成曹子建七步成者豆詩

到門何敢荷歡迎菽吟

秀水難追和

朱葵尊子昆田字西陵有吟菽乳詩

乳讓蘇州獨擅名姑蘇

荷華未擷時

清可點豆華加米爲點清飯

渣全淨後白蓮城渣

家園漿果紅

于染漿果葉煮豆荷極嫩

却悔屠門逐隊行

前過廣

漢聞朱老人病今再過則下世矣爲之悵

然

再向房湖過

仙翁已古人薤悲盈砌露花尚滿園春壁

上詩猶挂房

中榻滿塵真成老病死彈指見禪因

金雁橋

晤湛明府

麥蛟之井研任余視學廣東時

河源廣文也枉駕醒園不值適追于此並得湛祖

貴趙希璜二門生書

我已老甘退君方筮仕初十年川北卧兩紙嶺南書金
雁橋邊驛雲龍寺下廬相違忽相值懍懍意何如

病起

秋風昨夜至木葉滿庭飛病倚童爲杖寒呼婢檢衣雪
翻粳粥熟雨打桂花稀不到東園久蒼苔一徑肥

泊七里漫

我舟抑何疾彼舟亦何漫鴻飛雖冥冥爲弋者箕臂
如簿取魚旋浮旋入汕雷霆起倉卒波濤助酣戰彼昏
殊不知交睫方爛熳果然貯阿嬌黃金鋪作薦其心大

欲欺其實非
可輟豈惟孽
自作亦惟神
是嫚從此防
蕭牆不使生
人患割斷愛
河腸慟以狎
串回舟淚滂
沱淒風洒山澗

資陽江見月

資陽江上月
湫澗水中流
燈火商家艇
笙歌伎女樓
酒腸如角出
詩興似蕉抽
省識懷中照
深慙浪出遊

簡州懷南充署牧湯蒔芥

時在制軍幕

聞道甘棠遍
兩巴數年竟
以幕爲家
鶴樓只作
曾浮梗
牛鞞還成
未代瓜蜀
竈千山熬
黑鹵兵船
萬里販紅
花任他清俸
平分半檢
點何如自
坐衙

懷州登翟家樓題壁

扁舟月夜下 資州一路灘如竹節稠
拾得明珠還合浦 歸來仍醉翟家樓

登雲頂山

萬仞孤峯翠 逼天淒松冷栢擁高巔
白雲不放山頭出 明月常從井底懸
點點神燈疑傍樹 涓涓泉水瀉成川
頭陀石塔依然 在可有衣從石內傳

宿雲頂山天宮寺

天宮殿宇鬱 沉沉明滅禪房一盞燈
對月坐來清似水 和雲臥去冷如冰
不愁前路少 知我可惜各山無好僧

盡用攀留吾亦覺下山只用一枝藤

龍洞在鹿頭關下

羅江多靈山大半空其腹鎮以鹿頭關下有癡龍伏昔
者李道人騎鶴來棲宿門爐燒降香乍訝雙童出不知
何年湮竇門版堵築尚有一泓泉冷然纓可濯淺深渾
不辨但覺黑煜煜試以石投水礮碾轉車軸訇訇如雷
鳴驚起兩蝙蝠從者愕相顧俯視爲蹠蹠老人爲予言
曾於此伐木斧聲一丁丁響鼓應深谷天旱水不枯夜
寒月可幽其洞本岬然四時流五穀曩有窮源者捫壁
必以燭石屏款青苔香氣觸甘菊就中別有天芳鬚光

入目忽聞雞犬聲徐步乃退縮獻賊屠蜀時居民避爲
屋至今嘗室中尚有骷髏哭近年亡命徒逃獄畏官逐
往往成淵藪藏匿聚奸族因之塞其竅僅可供沐浴吁
嗟天生民豈必在鞭扑作孽雖自求教養歸良牧我願
開此山洞然見心曲德政化頑梗寬仁變局促庶幾刑
罰中有所措手足不但世宇曠亦可訪古躅何當勅此
言永爲萬姓福

大霍山

奇花冬蔕蕾古木雪雕疎舊是神仙窟今爲佛子居靈
瓜沁入銀杏指直如接引何時引無眼盼綺疏

十二月二十六日再宿羅真觀

信是山人不肯閑
天風落木走深山
今宵直卧雲深處
要看龍車夜往還